

verba cantiónum. — Quómodo. Glória. Quómodo.

In III. Nocturno.

Lectio sancti Evangélii secundum Joánnem.

Lectio vij. Cap. xvj. c

**I**N illo témpore : Dixit Jesus discipulis suis : Amen, amen dico vobis : si quid petieritis Patrem in nómine meo, dabit vobis. Et réliqua.

Homília sancti Augustíni Episcopi.

Tract. cij. in Joann.



Omni verba nunc ista tractanda sunt. Amen, amen dico vobis : si quid petieritis Patrem in nómine meo, dabit vobis. Jam dictum est in superiõribus hujus Domínici sermõnis pártibus, propter eos, qui non nũlla petunt a Patre in Christi nómine, nec accipiunt : non peti in nómine Salvatóris, quidquid petitur contra ratiõnem salutis. Non enim sonum litterarum, ac syllabarum, sed quod sonus ipse significat, et quod eo sono recte ac veraciter intelligitur, hoc accipiendus est dicere, cum dicit : In nómine meo.

℟. Deus canticum novum cantábo tibi, allelúia : \*In psalterio decem chordá-

rum psallam tibi, allelúia, allelúia. ℣. Deus meus es tu, et confitebor tibi : Deus meus es tu, et exaltábo te. — In psalterio.

Lectio vij.

**U**Nde qui hoc sentit de Christo, quod non est de único Dei Fílio sentiendum, non petit in ejus nómine, etiãsi non táceat litteris ac syllabis Christum : quóniam in ejus nómine petit, quem cogitat cum petit. Qui vero quod est de illo sentiendum sentit, ipse in ejus nómine petit : et accipit quod petit, si non contra suam salutem sempiternam petit : accipit autem quando debet accipere. Quædam enim non negantur : sed ut congruo dentur témpore differuntur. Ita sane intelligendum est quod ait : Dabit vobis : ut ea beneficia significata sciántur his verbis, quæ ad eos, qui petunt, propriè pèrtinent. Exaudiuntur quippe omnes sancti pro seipsis, non autem pro omnibus exaudiuntur vel amicis, vel inimicis suis, vel quibuslibet aliis : quia non utcúmque dictum est, dabit ; sed, dabit vobis.

℟. Bonum est confiteri

Dómno, allelúia : \*Et psallere, allelúia. ℣. In decachórdo psalterio, cum canticò et cithara. — Et psallere. Glória Patri. Et psallere.

Lectio ij.

**U**Sque modo, inquit, non petistis quidquam in nómine meo. Pétite, et accipietis, ut gaudium vestrum sit plenum. Hoc quod dicit, gaudium plenum, profecto non carnale, sed spiritale gaudium est : et quando tantum erit, ut aliquid ei jam non sit addendum, proculdubio tunc erit plenum. Quidquid ergo petitur, quod pèrtineat ad hoc gaudium consequendum, hoc est in nómine Christi petendum, si divinam intelligimus grátiam, si vere beatam pòscimus vitam. Quidquid autem aliud petitur, nihil petitur : non quia nulla omnino res est, sed quia in tantæ rei comparatiõne quidquid aliud concupiscitur, nihil est.

Te Deum. 20.

AD LAUDES.

Añæ et Psalmi de Psalterio. 21.

Capitulum. Jacobi j. d

**C**arissimi, Estóte factóres verbi, et non auditóres tantum, fallén-

tes vosmetipsos. Quia si quis auditor est verbi, et non factor : hic comparabitur viro consideránti vultum natiuitatis suæ in spéculo : considerávit enim se, et ábiit, et statim oblítus est qualis fúerit.

Hymnus. Auróra. 25.

℣. In resurrectione tua Christe, allelúia. ℟. Cœli et terra læténtur, allelúia.

Ad Bened. Añæ. Usque modo \* non petistis quidquam in nómine meo : pétite, et accipietis, allelúia.

Oratio.

**D**Eus, a quo bona cuncta procedunt, largire supplicibus tuis : ut cogitemus te inspirante, quæ recta sunt, et te gubernante, eadem faciamus. Per Dóminum.

Commem. de Cruce. 390.

AD TERTIAM.

Capit. Carissimi, Estóte, ut supra.

℟. br. Surréxit Dóminus de sepúlcro, \*Allelúia, allelúia. Surréxit. ℣. Qui pro nobis pepéndit in ligno. Allelúia, allelúia. Glória Patri. Surréxit.

℣. Surréxit Dóminus vere, allelúia. ℟. Et apparuit Simóni, allelúia.



## AD SEXTAM.

**Capitulum.** Jac. j. d

**Q**UI autem perspéxerit in legem perféctam libertátis, et permánerit in ea, non auditor obliuósus factus, sed factor óperis : hic beátus in facto suoerit.

**℞. br.** Surréxit Dóminus vere, \* Allelúia, allelúia. Surréxit. **℣.** Et apparuit Simóni. Allelúia, allelúia. Glória Patri. Surréxit.

**℣.** Gavisi sunt discipuli, allelúia. **℞.** Viso Dómino, allelúia.

## AD NONAM.

**Capitulum.** Jac. j. d

**R**Elígio munda et immaculáta apud Deum et Patrem, hæc est : Visitáre pupíllos et víduas in tribulatióne eórum, et immaculátum se custodíre ab hoc sæculo.

**℞. br.** Gavisi sunt discipuli, \* Allelúia, allelúia. Gavisi. **℣.** Viso Dómino. Allelúia, allelúia. Glória Patri. Gavisi.

**℣.** Mane nobíscum Dómine, allelúia. **℞.** Quóniam advesperáscit, allelúia.

## AD VESPERAS.

**Añæ et Psalmi de Dominica.** 147.

**Capit.** Caríssimi, Estóte. ut supra.

**Hymnus.** Ad régias. 151.

**℣.** Mane nobíscum Dómine, allelúia. **℞.** Quóniam advesperáscit, allelúia.

**Ad Magnif. Añæ.** Pétiite, et accipiétis, \* ut gáudium vestrum sit plenum : ipse enim Pater amat vos, quia vos me amástis, et credidístis, allelúia.

**Commem. de Cruce.** 173.

## FERIA SECUNDA

## IN ROGATIONIBUS.

**Si hodie occurrat Festum novem Lectionum, fit de eo cum ix. Lect. de sequenti Homilia et Commem. de Feria ad Laudes tantum, ut infra. De Festo autem trium Lectionum fit tantum Commem.**

Léctio sancti Evangélii secundum Lucam.

**Lectio j. Cap. xj.**

**I**N illo témpore : Dixit Jesus discipulis suis : Quis vestrum habébit amicum, et ibit ad illum média nocte, et dicet illi : Amice, cómmoda mihi tres panes. Et réliqua.

Homilia sancti Ambrósii Episcopi.

**Lib. 7. in Luc. cap. xj.**

**L**ius præcepti locus est, ut ómnibus moméntis, non solum diébus, sed étiam nóctibus oratio deferatur.

Vides enim, quod iste qui média nocte perréxit, tres panes ab amico suo postulans, et in ipsa peténda intentione persistens, non defraudetur oratis. Qui sunt isti tres panes, nisi mysterii cœlestis alimentum? Quod si diligas Dóminum Deum tuum, non solum tibi, sed étiam aliis poteris emereri. Quis autem amicior nobis, quam qui pro nobis corpus suum tradidit? **℞. Dicant.** 432.

**Lectio ij.**

**A**B hoc média nocte panes David pétiit, et accepit. Pétiit enim, quando dicebat : Média nocte surgébam ad confiténdum tibi. Ideo mérui nos edéndos. Pétiit cum dicit : Lavábo per singulas noctes lectum meum. Neque enim tímuit, ne excitáret dormiéntem, quem scit semper vigilántem. Et ideo scriptórum memores, nóctibus ac diébus orationi instántes, peccátis nostris véniam postulémus.

**℞. Cantáte Dómino.** 432. sine Glória Patri.

**Lectio iij.**

**N**AM si ille tam sanctus, et qui regni erat necessitatibus occupátus,

sépties in die laudem Dómino dicebat, matutínis et vespertínis sacrificiis semper inténtus : quid nos fácere opórtet, qui eo ámplius rogáre debémus, quo frequéntius carnis ac mentis fragilitáte delinquimus, ut de via lassis, et istius ævi cursu, ac vitæ hujus anfráctu gráviter fatigáti, panis refectiõnis deesse non possit, qui hóminis corda confirmet? Nec solum média nocte Dóminus, sed ómnibus prope docet vigilándum esse moméntis. Venit enim et vespertína, et secúnda, et tértia vigília : et pulsáre consuévit. Beáti itaque servi illi, quos cum vénerit Dóminus, invénerit vigilántes.

**℞.** Narrábo nomen tuum frátribus meis, allelúia : \* In médio Ecclésiæ laudábo te, allelúia, allelúia. **℣.** Confitébor tibi in pópulis Dómine, et psalmum dicam tibi in Géntibus. — In médio. Glória Patri. In médio.

**Hac nocte dicitur tertium Responsorium, quia non dicitur Te Deum.**

**In duabus vero sequentibus Feriis dicitur.**



## AD LAUDES.

Añæ et Psalmi de Psalterio, ut in Dominica. 21.

Capitulum. Christus resurgens, et Hymnus. Aurora cœlum purpurat. 25.

℟. In resurrectione tua Christe, allelúia. ℞. Cœli et terra læténtur, allelúia.

Ad Bened. Añæ. Pétite, et accipiétis : \* quærite, et inveniétis : pulsáte, et aperiétur vobis, allelúia.

## Oratio.

**P**Ræsta quæsumus omnipotens Deus : ut qui in afflictione nostra de tua pietate confidimus ; contra adversa omnia tua semper protectione muniamur. Per Dóminum.

Hæc Oratio dicitur ad Laudes, et per Horas, præter Vesperas, et hodie tantum. Duabus vero sequentibus Feriis dicitur Oratio Domin. præced. Deus, a quo bona. 443.

Hoc triduo qui non intersunt Processionibus Rogationum, privatim post Laudes dicant Litanias cum suis Precibus et Orationibus, sine Psalmis Poenitentialibus.

Ad Horas omnia dicuntur ut in feriali Officio tempore Paschali.

Vesperæ, nisi occurrat Festum ix. Lectionum, dicuntur de Psalterio cum Oratione Domin. præced. Si vero sequatur Festum simplex, a Capitulo fit de Festo cum Commem. de Cruce tantum, ut sup. 173.

Ad Magnif. Añæ. Ipse enim Pater amat \* vos, quia vos me amástis, et credidístis, allelúia.

Oratio. Deus, a quo bona. ut supra. 443.

## FERIA TERTIA

## IN ROGATIONIBUS.

Si hodie occurrat Festum simplex, fit de eo sine Commem. de Feria, sed tantum de Cruce. 390.

De Epístola prima beati Petri Apóstoli.

Lectio j. Cap. iv.

**C**Hristo igitur passo in carne, et vos eadem cogitatione armamini : quia qui passus est in carne, desiit a peccatis : Ut jam non desideriiis hóminum, sed voluntati Dei, quod reliquum est in carne vivat temporis. Sufficit enim præteritum tempus ad voluntatem Géntium consummandam his, qui ambulaverunt in luxúriis, desideriiis, vinoléntiis, comestationibus, potationibus,

et illicitis idolórum cultibus. In quo admirántur non concurréntibus vobis in eámdem luxúriæ confusiónem, blasphemántes. Qui reddent rationem ei, qui parátus est judicare vivos et mórtuos. Propter hoc enim et mórtuis evangelizátum est : ut judicentur quidem secúndum hómines in carne, vivant autem secúndum Deum in Spíritu. Omnium autem finis appropinquávit.

℞. In Ecclésiis. 440.

## Lectio ij.

**E**stóte itaque prudentes, et vigiláte in orationibus. Ante omnia autem, mútuam in vobismetipsis caritatem continuam habentes : quia caritas óperit multitudinem peccatórum. Hospitalitatem in vicem sine murmuraciónem : Unusquisque, sicut accépit grátiam, in alterútrum illam ministrántes, sicut boni dispensatóres multifórmis grátiae Dei. Si quis loquitur, quasi sermónes Dei : si quis ministrat, tamquam ex virtúte, quam administrat Deus : ut in omnibus honorificétur Deus per Jesum Christum : cui est glória et impé-

rium in sæcula sæculórum. Amen.

℞. In toto corde. 441. cum Glória Patri. Ne repéllas. in fine.

## Lectio iij.

**C**aríssimi, nolíte perigrinari in fervóre, qui ad tentationem vobis fit, quasi novi áliquid vobis contingat : sed communicántes Christi passionibus gaudéte, ut et in revelatióne glóriæ ejus gaudeátis exsultántes. Si exprobrámini in nómine Christi, beátí éritis : quóniam quod est honóris, glóriæ, et virtútis Dei, et qui est ejus Spíritus, super vos requiescit. Nemo autem vestrum patiátur ut homicída, aut fur, aut maledicus, aut alienórum appetitor. Si autem ut Christiánus, non erubéscat : glorificet autem Deum in isto nómine. Quóniam tempus est, ut incípiat judicium a domo Dei.

Te Deum laudámus. 20.

Ad Bened. Añæ. Oportébat \* pati Christum, et resurgere a mórtuis, allelúia.

Oratio. Deus, a quo bona. ut supra. 443.

Ad Magnif. Añæ. Exívi a Patre, \*et veni in mun-



dum : iterum relinquo mundum, et vado ad Patrem, alleluia.

**FERIA QUARTA**  
in Rogationibus.

VIGILIA ASCENSIONIS.

*Si hodie occurrat Festum novem Lectionum, fit de eo, cum nona Lectione de Homilia Vigilie et Commemoratione ad Laudes, ut infra. De Festo autem trium Lectionum fit tantum Commemoratio.*

Lectio sancti Evangelii secundum Joannem.

**Lectio j.** Cap. xvj.

**I**N illo tempore : Sublevatis Jesus oculis in cœlum, dixit : Pater, venit hora, clarifica Filium tuum. Et reliqua.

Homilia sancti Augustini Episcopi.

**Tract. civ. in Joannem, sub medium.**

**O**terat Dominus noster, unigenitus et coeternus Patri, in forma servi, et ex forma servi, si hoc opus esset, orare silentio : sed ita se Patri exhibere voluit precatorem, ut meminisset nostrum se esse doctorem. Proinde eam, quam fecit orationem pro nobis, no-

tam fecit et nobis : quoniam tanti magistri non solum ad ipsos sermocinatio, sed etiam pro ipsis ad Patrem oratio, discipulorum est edificatio : et si illorum, qui hæc dicta aderant audituri, profecto et nostra, qui fueramus conscripta lecturi.

**R.** Deus canticum. 442.

**Lectio ij.**

**Q**uapropter hoc quod ait : Pater, venit hora, clarifica Filium tuum : ostendit, omne tempus, et quid, quando faceret, vel fieri sineret, ab illo esse dispositum, qui tempore subditus non est : quoniam quæ futura erant per singula tempora, in Dei sapientia causas efficientes habent, in qua nulla sunt tempora. Non ergo credatur hæc hora fato urgente venisse, sed Deo potius ordinante. Nec siderea necessitas Christi connexuit passionem : absit enim ut sidera mori cogerent siderum conditionem.

**R.** Bonum est. 442.

**Lectio iij.**

**C**larificatum a Patre Filium nonnulli accipiunt in hoc, quod ei non pepercit, sed pro nobis

omnibus tradidit eum. Sed si passione clarificatus dicitur, quanto magis resurrectione? Nam in passione magis ejus humilitas, quam claritas commendatur, Apostolo teste, qui dicit : Humiliavit semetipsum factus obediens usque ad mortem, mortem autem crucis. Deinde sequitur, et de ejus clarificatione jam dicit : Propter quod et Deus illum exaltavit, et donavit ei nomen, quod est super omne nomen : ut in nomine Jesu omne genu flectatur cœlestium, terrestrium, et infernorum. Et omnis lingua confiteatur quia Dominus Jesus Christus in gloria est

Dei Patris. Hæc est clarificatio Domini nostri Jesu Christi, quæ ab ejus resurrectione sumpsit exordium.

Te Deum laudamus. 20.  
**V.** In resurrectione tua Christe, alleluia. **R.** Cœli et terra lætentur, alleluia.

**Ad Bened. Añã.** Pater, venit hora, \* clarifica Filium tuum claritate quam habui priusquam mundus esset, apud te, alleluia.

**Oratio.**

**D**Eus, a quo bona cuncta procedunt, largire supplicibus tuis : ut cogitemus te inspirante, quæ recta sunt, et te gubernante, eadem faciamus. Per Dominum.

